



UNIVERSITÄTS-
BIBLIOTHEK
PADERBORN

Clypevs Theologiæ Thomisticæ

Continens Tractatus de attributis, de visione Beatifica, de scientia Dei, ac
de ejus voluntate, & Providentia

Gonet, Jean-Baptiste

Parisiis, 1669

§. I. Præmittenda,

[urn:nbn:de:hbz:466:1-77232](#)

Creaturæ possibiles, concedo: existentes, vel futurae, nego. Licet enim scientia rerum possibilium in Deo, quæ simplicis intelligentiæ nuncupatur, sit naturalis & necessaria, utpote antecedens omnne decretum divinæ voluntatis; scientia tamen futuron & existentium, cum sit innixa decreto, ac in eo fundata, est libera, ut in Tractatu de scientia Dei ostendimus.

^{37.} Dices, ex hoc sequi, quod saltem Deus amet necessariæ creaturas possibiles, sicut illas necessariò cognoscit: quod tamen communiter non admittunt Thomistæ, ut constabit ex dicendis articulo sequenti.

Sed negatur sequela, quia creature possibiles habent veritatem, & cognoscibilitatem necessariam, ratione cuius posunt terminare scientiam Dei naturalem & necessariam, nulla tamen est in eis bonitas, saltem formalis, per quam actum divini amoris terminare possint, ut patebit ex dicendis articulo sequenti.

ARTICULUS IV.

An Deus amet creaturas possibiles?

§. I.

Premittenda.

^{38.} Suppono primò, quod status puræ possibilis tatis nihil est aliud quam non repugnantia rei ad essendum, sive indifferentia ad existendum vel non existendum, cum negatione existentia pro qualcumque temporis differentia. In qua descriptione tria exprimuntur ad statum puræ possibilis alius rei requisita. Primum est, quod illa nullam includat repugnantiam ad essendum: quare quod homo sit equus, non cadit sub statu possibilis, quia implicat, seu repugnat talis conexio hominis cum equo; secundus tamen aliis mundis, qui repugnantiam non involvit ut esse possit. Secundò dicitur, cum negatione existentia, ut res merè possibilis distinguatur à re existente, & posita extra causas. Tertiò additur, pro qualcumque differentia temporis, ad distinguendam rem merè possibilem à futura, quæ licet actuum existentiam non habeat in propria mensura, illam tamen habebit in aliqua differentia temporis. Ex quo inferes, quod licet res merè possibilis non sit aliquid reale positivè, quia non habet, nec unquam habitura est existentiam; est tamen ens reale objectivè, quatenus potest habere realem existentiam; in quo differt ab ente rationis quod est incapax realis existentie, & solùm habet esse objectivum in intellectu fingente, & illud cognoscente ad modum entis realis.

^{39.} Suppono secundò, quod de creaturis possibilibus possumus loqui dupliciter: vel secundum quod sunt in Deo, & virtualiter in omnipotencia divina continentur, & secundum hanc rationem, dixit Augustinus quod sunt ipsa creatrix essentia: vel secundum esse possibilem proprium, & distinctum ab omnipotencia Dei, quatenus scilicet considerantur secundum sua prædicta quiditativa, quæ licet nihil actu sint, quantum ad existentiam, sunt tamen aliquid reale objectivè, ut antea dicebamus. In præsenti ergo non loquimur de creaturis possibilibus primo modo: ut sic enim certum est apud omnes, eodem amore

Tom. I.

A amari à Deo: quod ipse seipsum diligit; si quidem prout sic considerate, sunt ipsem Deum, sed loquimur de illis secundo modo consideratis, & querimus, an in illo esse objectivo in quo cognoscuntur ab intellectu divino, amentur etiam à divina voluntate? Quod ut magis explicetur, & status difficultatis magis aperiatur.

Suppono tertio tanquam certum apud omnes, Deum possibilia non amare amore efficaci, seu effectivo: id enim Deus diligit amore prædicto, cui communicat aliquod bonum: At pure possibilis nullam bonitatem communicat, cum decreverit illa nunquam extra causas ponere: Ergo illa non diligit amore efficaci, seu effectivo. Solùm ergo difficultas est, an ad creaturas possibles terminetur voluntas divina per amorem simplicis complacentie.

Partem affirmativam tenent Scotus, Fonseca, Vazquez, Arrubal, Herice, Ruiz, aliqui Recentiores; quibus ex Thomistis adharet Marcus à Serra in Commentario art. 2. qu. sequentis. Neganter vero communiter defendant alij Discipuli D. Thomæ, quibus subscrribit Suarez in Metaph. disput. 30. sect. 16.

§. II.

Resolutio difficultatis.

C **D**ico igitur: Creaturæ possibiles nullo modo amantur à Deo.

Hanc conclusionem probant aliqui, primò quia amor Dei erga creaturas non est affectivus, sed effectivus, & infundens bonitatem in rebus, ut docet D. Thomas qu. sequenti art. 2. Unde cum circa possibilia, inquantum hujusmodi, Deus nihil efficiat, & nullam eis perfectionem aut bonitatem infundat, inde colligunt Deum non amare creature possibiles. Secundo probant, ex eo quod amare est velle bonum: Sed Deus nullum bonum vult creaturis possibilibus, cum decreverit nunquam illas ponere extra causas, in que includuntur carentia omnis boni: Ergo illas non diligit. Tertiò probant, quia objectum amoris est bonum: creaturæ autem possibiles carent omni bonitate, quia nec existunt, nec dicunt ordinem ad existentiam ut in aliqua differentia temporis habendam: Ergo non diliguntur à Deo.

E Verum tres illæ rationes quibus illi Recentiores præcipue innituntur, non videntur efficaces, nec solidæ; quia duæ primæ solùm probant Deum non diligere res possibiles amore efficaci, seu effectivo, quod concedunt Adversarij; non tamen ostendunt, voluntatem divinam per amorem simplicis complacentie ad eas non terminari; de quo solùm procedit præfens difficultas & controversia; ut in tertia suppositione annotavimus. Tertia vero supponit falsum, vel faltem aliud dubium & incertum, quod scilicet res merè possibilis, in statu merè possibilis considerata, omni bonitate careant: quamvis enim certum sit, illas non esse bona simpliciter, quia nec existunt, nec dicunt ordinem ad existentiam; probable tamen est, & doctrinæ D. Thomæ conforme, eas esse bona secundum quid, quatenus sunt perfectæ perfectione essentiali, & nihil illis deest ex prædicatis sibi essentialibus, ut constabit ex dicendis §. sequenti. His ergo rationibus prætermis.

Probatur primò conclusio: Si Deus creature possibiles diligeret, non liberè, sed necessario eas

CCc iij